

Towerlanten Fotografie
fotografienuus
augustus 2024

In die kollig

Lensopening: f2,8;

Sluiterspoed: 1/320 sekonde

Fokale lengte: 100 mm

Dit kan sekerlik gestel word dat meeste Suid-Afrikaners se gemoedstoestand deur die son bepaal word. Dink maar aan 'n koue Hoëveld-winteroggend met wolke, teenoor dieselfde oggend met son.

Netso speel die son 'n baie groot rol by fotografie. Die foto hierby wys een aspek: Laatmiddag-son wat soos 'n helder kollig (Engels: *spot light*) die toneel belig. In die middel van die dag sou die toneel heeltemal anders, en minder treffend, gelyk het.

Ons maandtema is: die son as kollig. Verder, in teenstelling met ons Afrika-son, gaan saam op reis met Towerlantern na Ysland en sien die middernagson – iets wat jy nooit in Suid-Afrika sal sien nie.

Geniet hierdie uitgawe van Fotografienuus. En as jy dalk Ysland of die Olimpiese Spele gaan besoek, stuur jou beste foto's.

Johan

Redakteur: Johan de Klerk

Bladuitleg: Fransa van [Colourcode Designs](#)

Wil jy graag 'n bydræ lewer tot Towerlantern se nuusbrieff? Kontak ons gerus vir meer inligting hieroor! Towerlantern behou die reg voor om sekere artikels / foto's nie te plaas nie. Menings uitgespreek in artikels is dié van die skrywers, en nie van Towerlantern self nie.

Ons ontvang ook advertensies, doen gerus navraag.

voorbeeldfoto

Die voorbladfoto-toneel is 'n miniatuurtuintjie – gevind, nie geskep nie. Sulke miniature kom oral in tuine, parke, oop velde en woude voor, wees net op die uitkyk daarvoor. Dit is maklik om so iets af te neem – gaan net laag af op jou knieë, of lê selfs plat.

Die probleem vir 'n fotograaf is egter om 'n treffende foto te skep. Een manier om dit reg te kry, is juis om die son as kollig te gebruik. Dit beteken vroeëoggend- of laatmiddagson. Verder help dit baie as 'n makrolens gebruik kan word.

Die tegniese data by die foto vertel juis hierdie verhaal: Fokale lengte 100 mm (100 mm makrolens), lensopening f2.8 (grootste lensopening). Die helder kollig-sonlig het die lensopening van 1/320 sekonde bepaal.

Natuurlik het almal nie makrolense nie. Dit hoef nie 'n probleem te wees nie. Gebruik wat jy het en pas aan. Wees altyd op die uitkyk vir mooi sonlig-tonele.

NUUS

vanaf
Towerlantern

Komende kursus: Beginnerskursus

Towerlantern bied gedurende Augustus en September weer 'n beginnerskursus aan. Kom leer hoe om jou kamera te hanteer en mooi foto's te neem. Die besonderhede is soos volg:

Plek: Potchefstroom.

Begindatum: **6 Augustus 2024**.

Verdere datums sal by die eerste klas afgespreek word om almal te pas.

Tyd: 17:00 tot 19:30.

Prys: R1 000, waarvan 'n deposito van R500 vooraf betaalbaar is met registrasie, en R500 by die eerste klasgeleentheid. 'n Plek is eers vas nadat die deposito betaal is.

Besonderhede: Die kursus bestaan uit 8 klasgeleenthede van 2½ uur elk. Baie tyd word ook aan praktiese werk gegee.

Samevatting van kursus: Komposisie, kleur, lig; lensopening, sluiterspoed; ISO, beligting, ligmeting; fokussing, lense en fokale lengte, perspektief; mens-, sport-, stillewe-, landskap-, argitektuur-, reisfotografie; kreatiwiteit, abstrakte fotografie, blom-, makro-, argitektuur- en reisfotografie, kunsfotografie.

Benodigdhede: 'n SLR-kamera met basiese instellings, sluiterspoed, lensopening en ISO is 'n noodsaaklikheid. 'n Driepoot is nie absoluut noodsaaklik nie, maar word hoog aanbeveel.

Adres vir navrae: johan@towerlantern.co.za



Leer ken jou kamera

Towerlantern Fotografie bied weer 'n kursus aan!

Bederf jouself – skryf in vir 'n fotografiekursus teen R1000.
Leer die basiese beginsels van komposisie en liginstellings.
Die kursus bestaan uit 8 lesings en begin op 6 Augustus 2024.

Doen navraag by Johan de Klerk:
082 884 7061 johan@towerlantern.co.za



Towerlantern Fotografie
- augustus 2024 -

NUUS

vanaf
Towerlantern

2024 se foto-uitstalling

Kyk hier na 2022 en 2023 se uitstallings:

2022: <https://youtu.be/qgOdRDOqYg8?si=eNTsgJCxwPJsMFUP>

2023: <https://youtu.be/ZVGilcL79yM?si=tN8wzAPUXyMJCIXt>



Towerlantern beplan om weer hierdie jaar die gebruiklike jaarlikse foto-uitstalling aan te bied. Jy word nou reeds uitgenooi om hieraan deel te neem. Neem dus kennis van die volgende sake:

Algemene sake:

- Daar is plek vir slegs 40 uitstallers.
- Plaaslike sowel as studente weg van Potchefstroom is welkom om in te skryf.
- Dit sal 'n fisiese uitstalling wees en daar sal ook 'n aanlyn-aanbieding wees om geleentheid te gee vir alle fotograwe.
- Die uitstalling gee jou die geleentheid om jou beste werke uit te soek vir vertoning.

Besondere sake:

Saak: Foto-uitstalling (plaaslik en aanlyn).

Uitstalwyse: (a) Gemonteer vir die fisiese uitstalling en (b) elektronies vir die aanlyn-uitstalling (deur middel van 'n PowerPoint-aanbieding).

Uitstaldatum: 10-30 September 2024.

Plek: Snowflake-gebou in Potchefstroom en ook aanlyn.

Uitstallers: Enige fotograaf wat bedrewe is met sy/haar kamera.

Foto-onderwerp: Alle genres.

Keuring: Stuur 10 foto's in waarvan 3 gekies sal word vir uitstal. Elke persoon wat foto's inskryf se 3 foto's sal uitgestal word.

Onkoste: R150, eenmalig.

Keerdatum: **19 Augustus 2024.**

Oproep: Begin nou reeds om jou uitstalfoto's agtermekaar te kry. Gaan jou foto's deur, soek uit, stoor dit en wees reg.

Bespreking: Die uitstalruimte is groot, maar dit word verwag dat jy so gou as moontlik sal bevestig dat jy belangstel.

BELANGRIK: Verseker nou al jou plek deur vir ons te laat weet dat jy belangstel om foto's uit te stal.

Vir meer besonderhede kontak johan@towerlantern.co.za.

Towerlantern Fotografie
- augustus 2024 -

Die uitdrukking “sonkollig” impliseer dat die son doëlbewus in ag geneem word by die neem van foto's, en nie maar net “toëvallig” nie. Daar moet dus beplan word met die son in gedagte.

Daar is verskillende variasies van “sonkollig”-tonele. Ook wyer as die situasie in die voorbladfoto.

Die volgende moontlikhede kan genoem word:

- ✓ Sonbeligte vroegoggend en laatmiddag **miniaturtonele** (soos in die voorbladfoto).
- ✓ Sonkolle teen binnenshuise mure pas nadat die **son opgekom het** of net voordat dit ondergaan. As daar in die laat middag moontlik **veldbrandrook** is kan die sonlig ook nog gekleurd wees.
- ✓ **Bokeh-kolle** veroorsaak deur uitfokus sonligkolle op blare
- ✓ **Sonverligte wolke** vroeg of laat (die foto hierby wys die idee).
- ✓ **Agterbeligte sonkolle** met 'n klein toneeltjie in die voorgrond (Foto-idee 1 verderaan wys wat bedoel word).



RIGLYNE

VIR SONKOLLIIG-FOTOGRAFIE

VOORAF

Neem vir hierdie riglyne aan jy het 'n miniatuurtuintjie (geskep of gevind). Kry die opstelling só dat dit belig word deur laatmiddag sonlig. Omdat dit in effek 'n stillewe is, is 'n driepoot noodsaaklik. Hou steeds komposisie in gedagte.

TIPE LENS

Gebruik 'n makro- of zoemlens byvoorbeeld 100 mm of 70-300 mm.

FORMAAT

Landskapformaat word aanbeveel.

ISO

Gebruik die laagste ISO-waarde, byvoorbeeld 100.

WITBALANS

Stel die witbalans volgens die ligomstandigheid.

FOKUSPUNT & ROWWE FOKUSSERING

Identifiseer 'n goeie trefpunt as fokuspunt.

LENSOPENING

Kies die grootste lensopening, byvoorbeeld f2,8, vir 'n vlak velddiepte.


SLUITERSPOED

Gebruik die kamera se liniaal om die sluiterspoed in te stel vir 'n goeie beligting van die toneel.

FYN FOKUSSERING

Maak seker van 'n baie goeie fokussering van die toneel.

Neem heelwat foto's met variëring van komposisie, beligting en kamera-posisie.



Paparazzi


By Towerlantern leer ons ons studente om so veel as moontlik van 'n driepoot gebruik te maak by die neem van foto's. Omdat beide hande dan los is, het jy beter hantering van jou kamera se instellings. Jy kry ook 'n skerper beeld, en jy kan jou foto's se komposisie presies reg doen.

Natuurlik is dit logies dat daar tye is wat jy nie 'n driepoot kan gebruik nie. Tog bly 'n driepoot steeds die beste keuse, veral as dit daarvoor gaan om goeie foto's te neem. En gelukkig besef studente wel ook gou die voordeel van 'n driepoot.

Nou het daar egter in die jongste jare 'n probleem opgeduik. 'n Persoon met 'n driepoot (selfs sonder 'n duur kamera) word baie gou raakgesien as 'n spioen, 'n paparazzo of 'n soortgelyke skurk. En weens die tyd waarin ons leef, is dit in 'n mate te verstaan.

Die oplossing is natuurlik om terug te val op jou selfoon. En niemand sal dan dink jy is 'n spioen of van die paparazzi-brigade nie.

Ek was onlangs in die bevoorregte posisie om in 'n baie mooi moderne gebou in Johannesburg te kon kom. Ek sou nie met 'n driepoot kon foto's neem nie – gelukkig het ek wel my selfoon by my gehad. Ek deel graag twee van my foto's wat daar geneem is.



KUNSUITSTALLINGS

In die Julie-uitgawe van Fotografienuus het ons gesels oor kunsuitstallings, in die besonder foto-uitstallings. Ons het twee vræ gestel naamlik:

- Watter siening moet jy as kyker hê by so 'n uitstalling?
- Watter siening moet jy as uitstaller hê by die uitstal van werke?

Ons het destyds gesels oor die eerste vraag en genoem dat ons in hierdie uitgawe van Fotografienuus aan die tweede vraag aandag sal gee; wat ons dan nou wil doen.

Uitstallings en tentoonstellings is aan almal bekend en dit word ook op verskillende vlakke bedryf. Die vraag kan gevra word: Waarom vind foto-uitstallings plaas? Die volgende antwoorde kan gegee word:

- Op klubvlak: Om eie werke onder mekaar se aandag te bring – so leer die een by die ander. Dit kan gebeur by wyse van aand-byeenkomste waar daar saam na foto's gekyk en bespreek word. En miskien daarby die kies van beste foto's.
- Op provinsiale, nasionale en internasionale vlak: Om mededinging te bewerkstellig tussen fotografe en wennerfoto's te identifiseer. Dit vind selfs op die hoogste vlak plaas by wyse van georganiseerde salonne.

Die saak met al hierdie soort uitstallings is die mate van kompetisie wat daar is. Nie alle fotografe is kompetisie-gedrewe nie, en dus laat sulke uitstallings sommige fotografe koud.

As alternatief kan daar dus ook geleenthede gereël word waar daar nie sprake van kompetisie is nie. Een so 'n voorbeeld is wanneer die rede vir 'n uitstalling opvoedkundig van aard is. Dit is dan ook die manier waarop Towerlantern sy foto-uitstallings bedryf.

Natuurlik is gehalte altyd 'n faktor by uitstallings, ongeag watter werkwyse gevolg word. Towerlantern is terdeë daarvan bewus. Daarom word dit tipies van studente verwag om 'n sekere hoeveelheid foto's, sê 10, in te stuur, waaruit dan 3 gekies word. So vind "kompetisie" tussen foto's plaas en nie tussen fotografe nie. Besluit dus as fotograaf self waar jy wil uitstal en onder watter omstandighede.

Ons verneem graag van ons lesers wat die gevoel is oor kompetisie-uitstallings van eie werke. Hou jy daarvan? Hou jy nie daarvan nie?

GAAN OP REIS

saam met Towerlantern




... na Ysland

Ysland – kerk en bergskap (Odyssey Tours)

Towerlantern Fotografie
- augustus 2024 -

GAAN OP REIS


saam met Towerlantern



Ysland: ontstaan en ontwikkeling

Ysland is die grootste vulkaaneiland in die wêreld en ook die mees ylbevolkte Europese land. Sy ontstaan is baie interessant.

Die moderne uitgangspunt is dat die buitenste laag van die aarde, die litosfeer van sowat 100 km dik, verdeel is in tektoniese plate wat onafhanklik van mekaar oor die aardoppervlak beweeg.



Die Dyrhólæy-rots met die middernagson in die agtergrond

Twee van hierdie plate is die Noord-Amerikaanse plaat en die Eurasiese plaat. Hul grenslyn is in die noordelike deel van die Atlantiese Oseaan, genoem die Mid-Atlantiese Rif – en dié lyn loop reg deur die eiland Ysland. Ysland het dan juis sy ontstaan, en ontwikkeling, te danke aan die vulkaniese uitvloeiels van hierdie rif en hierdie werking gaan steeds nog voort. So byvoorbeeld het die klein eiland Surtsey ontstaan gedurende die tydperk 8 November 1963 tot 5 Junie 1968 uit 'n reeks vulkaniese uitbarstings.

Ysland: reisigers se droom

Hierdie geologiese verskynsels het tot gevolg dat die landskap van Ysland enige reisiger se droom is. Om iets daarvan te beleef – en te sien watter besondere foto-moontlikhede daar is, doen eers die moeite om *Top 10 places to visit in Iceland* te besoek by

https://youtu.be/iBSbD_7bvE8?si=g7Ft7Klu3CfBAYtk



Ysland: fotograwe se uitdagings

Nadat jy hierdie video deurgekyk het, mag jy dalk oorweldig voel deur die skoonheid van die land – en nie weet waar om met jou beplanning van 'n besoek aan Ysland te begin nie. En nog minder om te weet wat om te fotografeer. Blaai dan vir fototoere en -idees oor landskapfotografie, wildlewefotografie, kulturfotografie, mensfotografie, noorderligfotografie en middernagsonfotografie deur hierdie gids:

<https://guidetoiceland.is/nature-info/photography-in-iceland>



Towerlantern Fotografie
- augustus 2024 -

'n Moontlikheid wat sterk aanbeveel kan word om die mooiheid van Ysland te leer ken, is om met 'n reisgroep saam te reis, waaronder die rit

Hoe om Ysland in 10 dæ te sien:

<https://youtu.be/PCSqrpAWq1s?si=HRF7MBTwCoDct0Jv>




Nog 'n foto-moontlikheid sou wees om die natuurtonele tematies aan te pak, byvoorbeeld watervalle of vulkaniese verskynsels. Die twee foto's hierby gee 'n idee van wat jy kan verwag.




Lawa-uitbarstings en -vloed

Bron: <https://www.cntraveler.com/story/iceland-new-era-of-volcanic-tourism>



GAAN OP REIS

saam met Towerlantern



Gullfoss – Goue waterval – een van Ysland se mees ikoniese valle Bron: <https://guidetoiceland.is/travel-iceland/drive/gullfoss>

Towerlantern Fotografie
- augustus 2024 -


Ysland: natuur en kultuur

'n Besoek aan Ysland moet ook insluit dat jy iets sal verstaan van die mense se kultuur. Watter invloed het die land se geografie op die inwoners?

Ter agtergrond eers: Die oppervlakte van Ysland is ongeveer 103 000 vierkante kilometer (in vergelyking met 130 000 vierkante kilometer van ons Suid-Afrikaanse Vrystaat). Daar word geskat dat daar ongeveer 10 000 (tienduisend!) watervalle in Ysland is en ongeveer 130 vulkane! En ook nog læprofiel lawa-vloeiings.

Die vraag is dus: Hoe leef Yslanders onder sulke omstandighede? Wat is hul uitgangspunt in die lewe? Die antwoord kan gegee word deur te kyk na hul nie-amptelike leuse: *Petta reddast*. Dit beteken ongeveer "alles sal op die ou einde goed uitwerk". Dit moenie gesien word as 'n kan-nie-omgee lewenswyse nie; dis eerder 'n geval dat daar met versigtigheid saam met die natuur meegeleef word.

Dus, wat kultuur-fotografie betref: Fotografeer mense en hul dinge; besoek strate, markte en kuiierplekke; leer 'n paar Yslandse woorde (sien ook die aparte rubriek hierby) en ervaar die land en sy mense eerstehands. Dit sal waarskynlik 'n besoek wees wat jy vir die res van jou lewe sal onthou.



GAAN OP REIS

saam met Towerlantern

Die amptelike taal van Ysland is Yslands. Kyk mens na 'n kaart van Ysland, kom die plekname baie vreemd voor. En tog, Afrikaans en Yslands is verlans familie van mekaar. Beslis nie neefs/niggies nie, maar miskien wel agter-kleinneefs/-niggies. Albei tale is lede van die Germaanse taalgroep, met Afrikaans (saam met onder andere Nederlands, Engels en Duits) lede van die Wes-Germaanse taalgroep en Yslands (saam met onder andere Sweeds en Deens) lede van die Noord-Germaanse taalgroep. Die volgende kort woordelys kan bietjie help met jou rondreis:

Baai	flóa
Berg	fjall
Canyon	gljúfur
Fjord	fjörður
Kerk	kirkju
Meer	vatn
Rivier	ánni
See	sjó
Strand	strönd
Waterval	foss

IKOON-FOTO'S

Bron: https://en.wikipedia.org/wiki/Wright_brothers



Ons het verlede maand gesels oor die eerste landing van mense op die Maan (Julie 1969). Dit was 'n groot menslike oorwinning. Nie minder nie is die eerste gemotoriseerde vliegtuig-vlug. Dié was slegs 66 jaar vroeër op 17 Desember 1903. Dit was 'n tuig wat na baie navorsingswerk deur die broers Orville en Wilbur Wright ontwerp, gebou en gevlieg is naby Kitty Hawk, Noord-Carolina, VSA.

Vir belangstellendes oor hierdie saak, lees meer by die Wikipedia-verwysing hierby. Hier is 'n samevatting van hierdie geskiedkundige dag:



Following repairs, the Wrights finally took to the air on December 17, 1903, making two flights each from level ground into a freezing headwind gusting to 27 miles per hour (43 km/h). The first flight, by Orville at 10:35 am, of 120 feet (37 m) in 12 seconds, at a speed of only 6.8 miles per hour (10.9 km/h) over the ground, was recorded in a famous photo [hierby afgebeeld]. The next two flights covered approximately 175 and 200 feet (53 and 61 m), by Wilbur and Orville respectively. Their altitude was about 10 feet (3.0 m) above the ground. The following is Orville Wright's account of the final flight of the day:]

Wilbur started the fourth and last flight at just about 12 o'clock. The first few hundred feet were up and down, as before, but by the time three hundred feet had been covered, the machine was under much better control. The course for the next four or five hundred feet had but little undulation. However, when out about eight hundred feet the machine began pitching again, and, in one of its darts downward, struck the ground. The distance over the ground was measured to be 852 feet; the time of the flight was 59 seconds. The frame supporting the front rudder was badly broken, but the main part of the machine was not injured at all. We estimated that the machine could be put in condition for flight again in about a day or two.

OP INTERNET GESIEN



"Unsupervised" is geneem deur Alexandrena Parker. Die foto was een van die wenners van die 1839-Toëknings. (In die jaar 1839 is fotografie aan die wêreld "bekendgestel".) Sy is bekend vir foto's wat die uitbundigheid en vreugde van kinders uitbeeld.

Lees hier meer oor die wenners en die kompetisie:

<https://mymodernmet.com/1839-awards-color-contest-winners/> <https://1839awards.com/contests/winners/color>

Towerlantern Fotografie
- augustus 2024 -



OP INTERNET GESIEN

Die *Royal Entomological Society* hou elke jaar 'n insekfoto-kompetisie vir amateurfotograwe. Hierdie foto was in 2023 een van die wenners. Kyk gerus hier vir meer inligting:

<https://www.insectweek.org/art-and-photography/>

"Look into my eyes" is geneem deur Pete Burford.

FOTO- *idees*

Idee 1: Skep met agterbeligting 'n kollig waarteen jy 'n klein toneeltjie kan afneem.

Towerlantern Fotografie
- augustus 2024 -

FOTO- *idees*

Idee 2: Fotografeer voorgrond-onderwerpe, byvoorbeeld grasse, met 'n l e son as agtergrond vir treffende tonele.



FOTO- *idees*

Idee 3: Terwyl jy ry let op na die wolke in die lug. lewers gaan daar 'n mooi wolktooneel wees soos in hierdie foto. Hou stil en neem foto's.

Towerlantern Fotografie
- augustus 2024 -



FOTO-
idees

Idee 4: Combineer borrelende water, klippe en helder sonlig vir 'n treffende fotoreeks.

FOTO- *idees*

Idee 5: Skep jou eie "kolligte" met behulp van die tegniek van ontfokussering. Sorg dat jou foto's beslis 'n trefpunt het.

Towerlantern Fotografie
- augustus 2024 -

Mini-gallery

Ons gee maandeliks aan ons lesers geleentheid om van hul beste foto's vir publikasie te stuur en om só iets van hul fotografie-lewe met almal te deel.

Hiermee word jy uitgenooi om foto's vir ons te stuur. Ons stel die volgende as algemene riglyne:

- Stuur 10 van jou beste foto's in met grootte ongeveer ½ MB elk. Daaruit sal 'n keuse van tot 6 foto's vir publikasie gemaak word.
- Kies die foto's só dat dit ongeveer dieselfde tema het. Die tema kan wyd wees – daar is geen beperking op die fotomateriaal nie.
- Indien nodig, verkry skriftelik toestemming vir die plasing van mensfoto's in Fotografienuus.
- Stuur 'n beskrywing van ongeveer 200-250 woorde oor enige aspek rakende die foto's of jou persoonlike beleving daarvan.

MINI-GALLERY VAN MARTIN RABIE, MODIMOLLE

Mini-gallery

MINI-GALLERY VAN MARTIN RABIE, MODIMOLLE

My fotografie reis het in 2020 begin toe ek die "Leer Jou Kamera Ken" kursus van Johan by Towerlantern aangepak het, met my vrou se Canon SX 70 HS. My skoonma het vir my die kursus betaal, en die fotografie-gogga het my behoorlik gebyt. Ek verkies skoon en duidelike foto's bo snaakse komposisies, maar dit is goed om al die verskillende tegnieke te leer en te verstaan. Ek was veral gefassineer deur ICM-fotografie ("*Intentional Camera Movement*"), wat die mooiste abstrakte beelde skep.

Aanvanklik het ek gesweer ek sal nooit mensfotografie aanpak nie, maar hier is ek vandag met my Canon 7D Mark II en 35 mm f1.4 lens, en ek maak nou selfs 'n ekstra paar rand met fotosessies van gesinne, paartjies en kinders. Elke fotosessie is 'n leerervaring wat my aanspoor om meer navorsing te doen en my vaardighede te verbeter. Ek verkies steeds natuurfotografie, want die natuur praat nie terug nie en vra ook nie vir hul foto's nie!!

My volgende avontuur is "off-camera flash", 'n heel nuwe leerskool waarvoor ek baie opgewonde is. Ek moet sê, as dit nie vir Johan was nie, sou ek nie gewees het waar ek vandag is nie.


Towerlantern Fotografie
- augustus 2024 -



(met toestemming van ouders)

- Martin Rabie -

Mini-galery



Martin Rabie
Photography

- Martin Rabie -

Mini-gallery



- Martin Rabie -

Mini-galery



Martin Rabie
Photography

- Martin Rabie -

Mini-galery



- Martin Rabie -

Mini-galery



(met toestemming van ouders)

- Martin Rabie -

Mini-galery

VERWYSINGS EN BRONNE



Gaan op reis met Towerlantern ... na Ysland

- Kaart:
<https://iceland24blog.com/wp-content/uploads/2018/06/iceland-map-eight-regions.jpg>
- Hooffoto:
<https://www.odysseytraveller.com/articles/lunar-landscapes-geology-iceland/>
- Our top 10 things to do in Iceland:
https://youtu.be/lGpZp_og6fE?si=Sen-YVEYQNsoOHLI
- Wikipedia:
<https://af.wikipedia.org/wiki/Ysland?variant=zh-tw>

Ikoonfoto

- Foto-erkenning:
https://en.wikipedia.org/wiki/File:First_flight2.jpg